

**PLAN PREDIZBORNOG PROGRAMA RTV VOGOŠĆA**  
**ZA PRIJEVREMENE IZBORE ZA NAČELNIKA OPĆINE VOGOŠĆA 2023.GODINE**

Predizborni program RTV Vogošća biće realizovan u periodu predizborne kampanje, od 21. januara do 03. februara 2023. godine. Isti će biti realizovan kroz nekoliko segmenata:

- Neposredna obraćanja političkih subjekata u programu Televizije i u programu Radija
- Debatna emisija
- Predizborni program u okviru Informativnog programa
- Komercijalni predizborni program

**NEPOSREDNA OBRAĆANJA POLITIČKIH SUBJEKATA**

Neposredna obraćanja političkih subjekata segment je Predizbornog programa u kojem će učešće bez naknade biti omogućeno svim političkim subjektima prijavljenim za Prijevremene izbore za načelnika Općine Vogošća, u skladu sa Izbornim zakonom BiH.

S obzirom da je za izbore prijavljeno svega dva politička subjekta, i da će u okviru predizbornog ciklusa biti realizovane dvije debatne emisije te svakodnevno praćene aktivnosti, neposredna obraćanja biće realizovana na samom početku ovog ciklusa.

Neposredna obraćanja u trajanju do pet (5) minuta biće emitovana u ponedjeljak 23. januara 2023. godine i u programu Radija i u programu Televizije sa početkom u 20:00.

Žrijeb za redoslijed emitovanja neposrednih obraćanja nije obavljan nego je preuzet redoslijed sa žrijebanja Centralne izborne komisije BiH.

**Raspored termina snimanja neposrednih obraćanja političkih subjekata** u prostorijama Televizije Vogošća je sljedeći (subota 21.01.2023. godine):

- 12:00 UJEDINJENI (NIP-NS-SDP)  
13:00 SDA – STRANKA DEMOKRATSKE AKCIJE

**Raspored emitovanja neposrednih obraćanja političkih subjekata** je sljedeći:

1. UJEDINJENI (NIP-NS-SDP)
2. SDA – STRANKA DEMOKRATSKE AKCIJE

Snimanja neposrednih obraćanja političkih subjekata biće obavljena prema urađenom rasporedu snimanja, u prostorijama Televizije Vogošća. Svaki od političkih subjekata imaće na raspolaganju termin od 30 minuta za snimanje svog neposrednog obraćanja. Nakon toga imaće priliku pogledati snimljeni materijal i SAMO U SLUČAJU TEHNIČKIH GREŠAKA pravo na ponavljanje snimanja.

Prilikom snimanja NIJE DOZVOLJENO postavljanje reklamnih materijala na zidove studija niti ubacivanje prethodno snimljenih reklamnih poruka i sl. u neposredno obraćanje. Dozvoljeno je postavljanje zastavica i manjih reklama na sto ispred osobe koja se obraća.

Sva snimanja van ovih termina i van studijskih prostora RTV Vogošća mogu se realizovati samo na komercijalnoj bazi prema važećem cjenovniku i u dogовору са руководством наше куће.

Političkim subjektima dozvoljeno je da za snimanje neposrednog obraćanja angažuju druge medijske kuće i nezavisne produkcije i da snimljeni i montirani materijal dostave za svoj termin emitovanja. Taj materijal mora zadovoljavati tehničke kriterije za emitovanje u programu RTV Vogošća i NE SMIJE sadržavati reklamne segmente – grafičke animacije, reklamne džinglove i sl. Isti mora biti dostavljen najkasnije 48 sati prije termina emitovanja radi pregledanja, kako bi se u slučaju da ne zadovoljava tehničke kriterije imalo dovoljno vremena da se ustanovljene greške isprave.

RTV Vogošća zadržava pravo da zbog dužine programskih sadržaja koji prethode neposrednim predstavljanjima pomjera početak emitovanja bloka neposrednih obraćanja, ne prije datog termina od 20:00. Takođe, ukoliko neko od predstavnika političkih subjekata ne iskoristi dodijeljeni mu termin gledaoci će biti obavješteni o tome putem telopa u trajanju od 20 sekundi, a odmah nakon toga će ići neposredno obraćanje sljedećeg političkog subjekta po rasporedu. SVA NEPOSREDNA OBRAĆANJA EMITUJU SE U JEDNOM BLOKU BEZ PREKIDA, uz špicu predizbornog programa između pojedinačnih obraćanja političkih subjekata.

#### **PREDIZBORNI PROGRAM U OKVIRU INFORMATIVNOG PROGRAMA**

RTV Vogošća omogućava političkim subjektima prezentovanje predizbornih aktivnosti u okviru specijalizovanog bloka Informativnog programa. Ovaj blok se u radnim danima emituje u informativnoj emisiji „Vogošćanska hronika“ u terminima od 18:00, 22:30 i 01:20 u programu Televizije, odnosno u terminu od 18:30 u programu Radija.

U stranačkom bloku će se predstaviti pregled stranačkih aktivnosti tog dana i to: izvještaj sa konferencija za novinare, saopštenja i izvještaji sa masovnih okupljanja.

Svi politički subjekti imaju obavezu da dan ranije, do 14.00 sati, u pismenoj formi najave jedan događaj, po njihovom izboru, koji će RTV Vogošća medijski pratiti ili da se opredijele za saopćenje za javnost.

RTV Vogošća će u stranačkom bloku emitovati izvještaj sa konferencije za novinare ili izvještaj sa masovnih okupljanja koji su se desili taj dan do 14.00 sati. Ukoliko se press-konferencija ili skup održava nakon 14.00 sati, izvještaj će biti emitovan narednog dana. Prilog sa press-konferencije ili predizbornog skupa može biti u maksimalnom trajanju do 180 sekundi.

U cilju zaštite novinarskih sloboda i sprečavanja pritisaka na novinare najstrožije je zabranjeno da predstavnici političkih subjekata prisustvuju u prostorijama RTV Vogošća u vrijeme pripreme priloga ili da isti pregledaju prije emitovanja. Ukoliko politički subjekti žele na bilo koji način uticati na sadržaj koji će biti emitovan o održanoj press-konferenciji ili skupu mogu se oglasiti saopštenjem koje će biti ilustrovano snimcima sa pomenutog događaja, bez snimanja i ubacivanja izjava učesnika.

Saopštenje za javnost koje se emituje u stranačkom bloku mora biti dostavljeno najdalje do 15.00 sati istoga dana. Maksimalno trajanje saopštenja može biti 120 sekundi.

Saopštenje će biti ilustrovano snimcima sa događaja o kojem se govori u saopštenju, ako je taj događaj snimljen. Ukoliko nije, saopštenje će biti ilustrovano telopom na kojem će stajati grafički logo IZBORI 2023 i logo političkog subjekta. Politički subjekti dužni su da logo svoje stranke/partije dostave RTV Vogošća u grafičkom formatu JPEG, PNG ili BMP na CD-u ili USB stiku kako bi se telop mogao izraditi. Ukoliko to ne učine, RTV Vogošća će umjesto logotipa političkog subjekta staviti samo njegov naziv.

RTV Vogošća stranačke skupove i press-konferencije snimaće za svoje potrebe, bez obaveza da skupove i press-konferencije snima u cijelosti. Politički subjekt može angažovati RTV Vogošću i za snimanje političkog skupa ili press-konferencije u cijelosti, ali se to onda ne odnosi na obaveze besplatnih usluga RTV Vogošća prema političkim subjektima u Izbornoj kampanji nego se smatra komercijalnom uslugom i obračunava se prema važećem cjenovniku. Dogovor o komercijalnom snimanju političkog skupa ili press-konferencije mora biti postignut prije sa rukovodstvom RTV Vogošća kako bi se ustanovilo da li RTV Vogošća ima tehničke mogućnosti za obavljanje usluge u tom periodu.

Politički subjekt za ilustraciju saopštenja može dostaviti i vlastite snimke. Isti moraju zadovoljavati tehničke kriterije za emitovanje u programu RTV Vogošća.

Politički subjekt u jednom danu može imati ili prilog sa događaja ili saopćenje, nikako i jedno i drugo.

Svi politički subjekti pozivaju se na fer i korektno ponašanje u predizbornoj kampanji. RTV Vogošća zadržava pravo da odbije emitovanje saopštenja za koje procijeni da izričito vrijeda ostale političke subjekte ili da svojim sadržajem i tonom:

- prenosi jasan i neposredan rizik od poticanja etničke ili vjerske mržnje između zajednica u Bosni i Hercegovini, ili koje bi, na osnovu bilo čijeg razumnog suda, izazvao nasilje, nered i nemire, ili koje bi moglo poticati kriminal ili kriminalne radnje;
- prenosi jasan i neposredan rizik od uzrokovanja javne štete, pri čemu se takva javna šteta definije kao smrt, povreda, šteta nanesena imovini ili druga vrsta nasilja, ili skretanje policijske aktivnosti i medicinskih usluga ili aktivnosti drugih službi za održavanje javnog reda s njihovih uobičajenih dužnosti.

Tokom perioda predizborne kampanje u izbornom bloku biće emitovan prvo blok priloga a nakon toga blok saopćenja. Redoslijed emitovanja određuju urednici emisija „Vogošćanska hronika“ prema njihovoj vlastitoj procjeni.

### **DEBATNA EMISIJA (60 min.)**

Planirano je da se realizuje jedna (1) debatna emisija za kandidate za načelnika Općine Vogošća. Predviđeno trajanje emisije je do 60 minuta. I za redoslijed nastupa u debatnoj emisiji koristi se redoslijed sa žrijebanja Centralne izborne komisije BiH.

Teme za realizaciju debatne emisije su sljedeće:

Kultura, obrazovanje, sport, komunalna politika i izgradnja, privreda i zapošljavanje, socijalna politika

Debatna emisija u programu Televizije i u programu Radija emituje se u četvrtak 02. februara 2023.godine sa početkom od 20:00 sati.

Debatna emisija biće snimana dan ranije od termina predviđenog za emitovanje u prostoru studija Televizije Vogošća, u srijedu 01. februara 2023.godine u 16:00.

### **KOMERCIJALNI PREDIZBORNI PROGRAM**

RTV Vogošća će omogućiti političkim subjektima plaćeno političko oglašavanje u skladu sa pravilima Regulatorne agencije za komunikacije BiH, tj. 15 minuta sedmično po političkom subjektu. Komercijalni predizborni program realizuje se prema važećem cjenovniku marketinških usluga RTV Vogošća i u skladu sa pravilima i mogućnostima RTV Vogošća.

Određeni su posebni termini za plaćeno političko oglašavanje i u programu Televizije i u programu Radija.

#### **POLITIČKO PREDSTAVLJANJE I REKLAMIRANJE NA TV VOGOŠĆA ZA PERIOD SUBOTA 21.01.2023. – PETAK 03.02.2023.**

#### **TABELARNI PREGLED RASPOLOŽIVIH TERMINA PREDVIĐENIH ZA PLAĆENO POLITIČKO PREDSTAVLJANJE (ZAKUPLJENI TERMIN) PO DANIMA U SEDMICI (SA CIJENOM)**

	PON	UTO	SRI	ČET	PET	SUB	NED
17:10 – 17:20	150 KM	150 KM	150 KM	150 KM	XXX	150 KM	150 KM
17:20 – 17:30	150 KM	150 KM	150 KM	150 KM	XXX	150 KM	150 KM
21:05 – 21:15	250 KM						
21:15 – 21:25	250 KM						

Predviđene blokove u 21:05 i 21:15 neće biti moguće koristiti u u četvrtak 02. februara 2023. godine (zbog debatne emisije).

**BLOKOVI ZA EMITOVARJE TV SPOTOVA POLITIČKIH SUBJEKATA (SA CIJENOM)**

	PON	UTO	SRI	ČET	PET	SUB	NED
15:50 – 16:00	1,00/SEC						
17:00 – 17:10	1,50/SEC						
19:00 – 19:10	2,50/SEC						
21:00 – 21:05	1,50/SEC						
21:55 – 22:00	1,50/SEC						

Predviđeni blok u 21:00 neće biti moguće koristiti u četvrtak 02. februara 2023. godine (zbog debatne emisije).

Ponuđene cijene su bez uračunatog PDV-a. Za naručeno emitovanje spota u poziciji prvi ili zadnji u bloku cijena se uvećava za 25%.

**BLOKOVI POLITIČKO PREDSTAVLJANJE I REKLAMIRANJE U PROGRAMU RADIJA VOGOŠĆA**

TERMIN	SATNICA	Emitovanje audio džingla	Oglas/saopćenje do 30 sec.
I blok	10:30	0,10/SEC	2,00 KM
II blok	12:30	0,10/SEC	2,00 KM
III blok	14:30	0,10/SEC	2,00 KM
IV blok	16:00	0,10/SEC	2,00 KM
V blok	17:00	0,10/SEC	2,00 KM
VI blok	20:30	0,10/SEC	2,00 KM

Predviđeni blok u 20:30 neće biti moguće koristiti u ponedjeljak 23. januara 2023. godine (zbog neposrednih obraćanja) te u četvrtak 02. februara 2023. godine (zbog debatne emisije).

Ponuđene cijene su bez uračunatog PDV-a. Za naručeno emitovanje u poziciji prvi ili zadnji u bloku cijena se uvećava za 25%.

Politički subjekti mogu koristiti i ostale usluge RTV Vogošća koje nisu direktno vezane za program (iznajmljivanje kamere za snimanje, izrada džinglova i sl.) u dogovoru sa rukovodstvom RTV Vogošća i u skladu sa važećim cjenovnikom usluga RTV Vogošća.

